



Publicaziuns dalla vischnaunca, jamna 01

Damondas da baghegiar

2020-1074.000

Datum dalla publicaziun: 8 da schaner

Il patrun: Ursina e Damian Tuor, Via Salez 101, 7186 Segnas
Il representant: huonder bisquolm architects sa, Via da Scola 18, 7180 Disentis/Mustér
Object: Construcziun d'ina casa dad ina famiglia cun garascha, parcella 136, Via Muschnas, 7186 Segnas

2020-1075.000

Datum dalla publicaziun: 8 da schaner

Il patrun: Leslie e Placi Flury, Via Caschuarz 4, 7180 Disentis/Mustér
Il representant: Leuzinger Generalbau AG, Via Sid 24, 7013 Domat/Ems
Object: Construcziun d'ina casa dad ina famiglia, parcella 541, Via Clis 19, 7180 Disentis/Mustér

Protestas:

Il plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 8 da schaner 2021
Uffeci da baghegiar Disentis/Mustér

Annunzias da baghegiar

All'istanza da baghegiar ein sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

Nr. 2020-2140.000

Rosmarie Fry-Maissen, Via Buretsch 3A, 7186 Segnas; installar in fuorn da pizzas, parcella 392, Via Buretsch 3A, 7186 Segnas.

Nr. 2020-2144.000

Proprietad en condomini parcella 1201, c/o Pirmin Monn, Via Cuoze-Sut 4, 7180 Disentis/Mustér; replazzament dil scaldament e novs radiatur, parcella 1201, Val da Cuoze 5, 7186 Segnas.

Disentis/Mustér, ils 8 da schaner 2021
Uffeci da baghegiar Disentis/Mustér

Cussegl da vischnaunca

Invitaziun alla seduta constitutiva

Venderdis, ils 8 da schaner 2021, allas 20.15 ha liug en halla polivalenta el Center Fontauna la seduta constitutiva dalla nova perioda d'uffeci 2021/2024. La seduta vegn enramada d'entginas produziuns musicalas. Sut la resalva da novas mesiras da protecziun davart il coronavirus ei quei arranschament publics.

Tractandas:

1. Avertura entras il president communal
2. Undraziuns
3. Appel



4. Elecziuns:

- 4.1 da dus dumbravuschs e dus suppleants per 2021/2024
- 4.2 dil president dil cussegl da vischnaunca per 2021
- 4.3 dil vicepresident dil cussegl da vischnaunca per 2021
- 4.4 dalla actuara dil cussegl da vischnaunca per 2021/2024
- 4.5 dil vicepresident communal per 2021/2024
- 4.6 dalla cumissiun da baghegiar
- 4.7 dalla cumissiun da menaschi Center Fontauna
- 4.8 remplazzar in commember ella cumissiun da planisaziun

5. Agenda 2021

6. Communicaziuns

Cordials salids

Il president communal René Epp

Bien di – bien onn

Preziadas convischinas, stimai convischins

Jeu giavischel a tuttas ed a tuts in bien niev onn, bia cuntentientscha, cletg, success e cunzun buna sanadad. Per la vischnaunca vinavon bia slontsch per novs projects en favur d'in bien e prospereivel avegnir. Jeu selegrel sin bia interessants discuors, bialas sentupadas e surtut sin ina buna collaboraziun cun las collaboraturas, ils collaboraturs ed ils gremis politics. El center da tutta discussiun duei adina star il beinstar general. En quei senn engraziel jeu aunc inagada fetg per il grond sustegn e la confidanza enviars mia persuna. Jeu selegrel sin mia incarica e vegnel a s'engaschar cun tutta forza per in bien svilup da nossa vischnaunca e regiun.

Cordials salids

René Epp, president communal

Controlla da habitonts

Mortoris

Ottilia Albin-Flepp, naschida ils 19 da december 1930, morta ils 24 da december 2020

Giuliana Huonder-Tenner, naschida ils 20 da november 1927, morta ils 25 da december 2020

Felix Deragisch, naschius igl 1. da fenadur 1933, morts ils 29 da december 2020

Elisabeth Dermon-Deflorin, naschida ils 11 da matg 1925, morta ils 2 da schaner 2021

Clom d'urgenza 118

Preziadas vischinas, preziai vischins

S'imaginei ch'ei brischa e negin vegn! Adina puspei caschunan fiugs gronds donns, gie mettan schizun en prighel la veta da personas – savens perquei ch'ils pumpiers vegnan buca clamai ni memia tard. Biars tratgan: zatgi ha bein alarmau, mo adina puspei ei quei buc il cass, era tier nus el Grischun.

Perquei vala: Tier ina situaziun nua ch'ils pumpiers vegnan duvrai, ei da telefonar immediat al clom d'urgenza 118. Mo aschia eis ei garantiu ch'agid professional arriva il pli spert pusseivel sil plaz.

Engraziel per Vies sustegn!

Vos Pumpiers Sursassiala



Niev ella Puntreis

Il pictur-artist Linus Flepp da Mustér ha creau ina nova condolenzza artistica en duas versiuns. Las cartas san vegnir retratgas per immediat tier la Puntreis a Mustér.

Biblioteca populara Disentis/Mustér e contuorn

Casa da scola, 7180 Disentis/Mustér, tel. 081 947 52 90 www.biblioteca-disentis.ch / biblioteca@disentis.ch

Per informaziuns actualas durant las restricziuns da corona supplichein nus da consultar la pagina d'internet dalla biblioteca (www.biblioteca-disentis.ch).

Bien engraziament per Vossa capientscha.

*Il team dalla
Biblioteca populara Disentis/Mustér e contuorn*

Aktuelle Informationen während der Corona-Einschränkungen finden Sie auf der Homepage der Bibliothek (www.biblioteca-disentis.ch).

Vielen Dank für Ihr Verständnis.

*Das Team der
Biblioteca populara Disentis/Mustér e contuorn*
